

Ханты ясайд

21 июня 2018 года

www.khanty-yasang.ru

№ 12 (3504)

Основана 1 ноября 1957 года

Культура нух адуумты па йис щирии вәлдты мосл



Р. Ользина. ведрум хур

Щиты лупац Россия народной мастер немуп хэ Яков Тарлин, хэн «Мужские и женские ремёсла: музееведческий и этнопедагогический аспекты» немуп мирхот пүншсы. Щи вэр лыпят тылдыш 4-8-мит хэтдаты «Торум Маа» музей хуши мэндэс. Олдэн хэтдэн непекэн ёх путратпутартсат. Щалта мира «Объект. Время. Культура» немуп ванлтупсы ванлтасы. Щалта кашэн вэрэн хуят олдэн ай паватсы, хуйтат вәрутут вәрты хәра арсыр кәртәт, вошат эвәлт юхтыйлдат.

Тамаш мирхот хәсмит пүш вәрсы па музей кәща не Людмила Алфёрова

путратсат, муй паты щит вәрты питсы: «1990-мит одат суханты артэн шу-

ши мир пурмасат юкана хайнхәйт дапкайн пурмас дәтты питсат. Щи

юпийн ар шуши ёх пурмасат вәрты вулысат. Юхи хайшум хәс ол непекэн ёх нумас паватсат, хути ар хуят хүшты мосл щи вера йилда вүянтты. Щит паты музей рәпатнекат вәрутутан хәрәт вәрты пиньщасат». 8-9

Хутыса тাম лүнән Югра мүв нявшемат рүтшәты питләт

Ши оләнән лыпәт өсумты тылаш 7-митн «Югра» нәмпи айкеләт әкәтты хоти округ вәндтәты па айлат ёх вәрәт тәты департамент кәща ләнкәр хә Геннадий Забайкин ай тәс.

Интәм Югра мүвевн 414 тәхи ёх нявшемат рүтшәты вәр ләщәтләт, 578 тәхи ёх па Россия мүв хүваттыйн ши вәр тәдәт. Мет сырь арсыр кәщайт ямсыева нух вантләт, ләлн иса яма ләщәтман ат вәс. Роспотребнадзор кәщайт рүтшәты тәхет иши вантләт, ши юпийн ёш пос пундат. Г. Забайкин ясәң ширн, ин хүлъева округ рүтшәты тәхет вантсыйт.

Тәм лүнән 98 процент арат нявшемат рүтшәты питләт, лыв күтәлн 60 ширәс эви-пух Крымән, Краснодарской, Пермской край хуша, Тюменской, Челябинской областнән па Татарстан па Башкоростан хуша.

Арсыр ширн 240 ширәс нявшем пәты рүтшәты хәрәт рәпитеттә питләт. Вишат пүнәлн вәлты хәт лагеря 440

эви-пух мәнләт, хәтл мәр рүтшәты 479 хәрн кәтсөт ширәс пушхиет ямәлты питләт. Округев хүваттыйн пәршән хотаң 60 тәхи рәпитеттә питләт, щата 600 эви-пух вәнлтыйлты питләт, муй ширн вәнтән вәлты мосл. Ши тумпи Югра мүвевн атл-хәтл кәт тәхийн 50 нявшем рүтшәты па ямәлты питләт. Ширәс мултас эвет-пухат рәпитеттә питләт.

Тәм одн округевн юнармейцät пәты нәмасия рүтшәты хәрәт тывсайт, шив 2,5 ширәс хүят мәнләт. Итәх нявшемат

кванториумат хуша арсыр әмәш вәрәт оләнән уша вәрты питләт.

Интәм округ вәнлтәты па айлат ёх вәрәт тәты департамент хуша иса рүтшәты тәхет нәмасия реестра хәншман вәлдәт. Сайт хуша «Организация отдыха и оздоровления» посн иса рүтшәты-ямәлты тәхет оләнән айт вәлдәт. Мултас вәрәт оләнән тәм карты кәл хүват инышасты рәхл: 8-800-511-77-48.

Людмила СПИРЯКОВА

ЮГУ хуша пурмасат шавиты йилуп тәхи пүншсы


Мүвтәл мирәт йис пурмасат әкәтты па шавиты хотаң емәнхәтәлн Югорской государственной университетн айкеләт ләщәттә вәра вәнлтыйлты музей тәхи пүншсы. Мосл ястәты, Югра мүв хүваттыйн шит мәт оләнмит тәхи, хута айкеләт әкәтты ёх пәты йис вүш эвәлт өсәлтә лүнәттә непекәт па пурмасат шавиман тайлыйт. Шит пәты вәйтантусыя Ёмвошәң айкеләт ләщәтты айлат па вәна пәлка ювум хүяттәт воясыйт.

ЮГУ хуша журналистика вәрәт өхтүйн кәща не Любовь Третьякова яснәт ширн, тәм тәхи хүвн ләнхасат пүншты. Вантә, 15 од мәр Югорской университеттә айт әкәтты 300 мултас айлат не па хә етшүптас. Интәм лыв округев луваттыйн арсыр газетаят, телевидени-яйн, радио вәйт па интернэттә айкеләт ванлтуман рәпитеттәт.

Емәнхәтл пурайн мойна юхтум айкеләт ләщәттә ёх йилуп пүншум тәхия сыр-сыр әмәш мойлупсәт тәсәт. Шиты «Новости Югры» нәмуп газета кәща ләнкәр хә Михаил Осипов мәт оләнмит газета мойләс.

Округ оса вәрәт тәты департамент кәща ләнкәр не Галина Липатова Альбина Глухих 2009-мит одн холумтум «Легенда журналистики Югры» нәмуп мойлупсы айлат хүяттә катлуптас. Вантә, Альбина Сергеевна тәм вән мойлупсы ёша павтум пурайн лупас, хуты хәнты пурайн Югра хуша, алла, айкеләт ләщәттә ёх пәты нәмасия тәмаш тәхи пүншлы. Шит пәты «Легенда журналистики Югры» нәмуп мойлупсы шив мәты мосл. Интәм тәм вер тываң.

«Хәнты ясәң» па «Луима сәрипос» газетайнән кәща не Раиса Решетникова йилуп музея



Михаил Осипов па Любовь Третьякова

«Лыләң йинк сәмие» нәмуп ай кинишкайт мойләс. Нявшемат пәты ай непекәт тәм ванан «Хәнты ясәң» газета кәща ләнкәр не Надежда Вах унтасн етсәт.

Ар од мәр Югра мүвн айкеләт ләщәттә кәтнән Анатолий па Любовь Корнеевң «Музей журналистики» нәмуп тәхия Россия мүв айкеләт әкәтты ёх оләнән энциклопедия непек мойләснән. Шив мүң округевн айт ләщәттә

итәх хүяттәв иши дунман вәлдәт.

Сыры ар од «Новости Югры» округ газетайн рәпитеттәм не, интәм «Народной фронта» оса тәхи хуша вәлты Елена Потехина сырь оләтн газета вәрты нәмасия карты шүңк мойләс. Тәм карты утн лўв мәт олән пүтрапт хәншәс.

Мойлупсәт юпийн журналистика вәрәта вәнлтыйлты айлат ёх етнхот ванлтәсәт.

Ирина САМСОНОВА

Вәнлтыйлты юхтаты!

Лыптәт тылдәш 20-мит хәтлә вүш эвәлт Югорской государственной университетән вәнлтыйлты кеша непекәт вүты олңитлыйт.

— Сыры иты, айлат ёх хәдүм тәхия непекәт мәтүүләртәт, — ЮГУ хуша вәнлтыйлты щира непекәт вүты тәхийн рәпитеттә нә Марина Косинцева лупац. — 2018-мит одн очной ширн бакалавриат, специалист пән магистратура хуши 783 бюджетной

тәхивәл, аспирантурайн — 30 тәхи.

Вәщ тылдәш 7-мит хәтлә вүш эвәлт итәх тәхета непекәт вүты етшәсыйт. Вәщ тылдәш 26-мит хәтлә вүш эвәлт щи ёх, хуйтат ЕГЭ экзаменәт мәсәт, ищи непекләт вүты етшәсыйт.

Магистратура непекәт лыптәт тылдәш

20-мит хәтлә вүш эвәлт вәщ тылдәш 20-мит хәтлә вәнты вүты питсыйт, аспирантура — вәйтлор тылдәш 23-мит хәтлә вәнты.

Ши оләңән мултты па уша верты ләнхадәты ки, ЮГУ сайт хуша «Абитуриенту» тәхийн уша павәтты рәхл муй па тәмәш карты келәт хүват: +7(3467)357-551, 357-556, 357-842.

Тынайң айлат хуяттәт!

Мүн нынайн лавәлты питлүв тәм адрес хүват: **Ёмвош, Чехов вош хүлы, 16-митхөт, 4-миткорпүс.** Понедельник — пятница хәтләтн — 9.00-17.00 щосатн, суббота хәтлән — 9.00-13.00 щосатн.

**ЮГУ пресс-служба
кәща нә Елена
КАРМАНОВА
Хәнты ясәна
тулмаштас Надежда
НОВЫОХОВА**

Йилуп хәнты алфавит оләңән путәртсәт

Лыптәт енумты тылдәш 8-митн округ вәнлтыйлты па айлат ёх вәрәт тәтүү департамент хуша мирхот вәс. Щәтә йилуп хәнты алфавит оләңән путәртсәт.

Шуши мир нявшемәт вәнлтыйлты вәр тәтүү тәхи кәща нә Надежда Костылева лупац: «Юхи хәшум оләтн мүн йилуп алфавит оләңән путәртлүв, тәп вүты ўн вәритецлүв. Бантә, итәх хуяттәт лупдәт — щит ям алфавит, итәх ёх пәта щит лавәрт алфавит».

Ас-угорской мирнән научной институт научной сотрудник, филологической наукайт доктор нә Валентина Соловар лупац, хуты йилуп хәнты алфавит — щит мәт ям алфавит. Щәтә ай тәс, ям арат ол Касум, Полнават па Ваньшават кәртәтн нявшемәт йилуп хәнты посатын вәнлтасыйт. Лыв пәтэда Ас-угорской научной институт ёх «Хәнты ясән» киникайт хәншәт па есәлдәт. Тәньял Ас нопатты тылдәш щи вәнлтыйлты вәр сухнәс. Лўв ширәлн, нявшемәта кеншәк вәс хәнты ясән йилуп буквайтн вәнлтыйлты.

Ипудяң щи оләтн «Хәнты ясән» газета ёх «Айкеләт ѫкәттү ай ёх» вәр хүват щи ѿшколайтн нявшемәт айкеләт, путәрт хәншты вәнлтасәт. Уша йис, нявшемәт арсыр ширн хәншәт, итәх ал рүштүкайтн, итәхәт «Хәнты ясән» газетайн хәншты ширн, тәп и эви Касум кәрт эвәлт йилуп ширн хәншәк.

Aa	Ӓӓ	Bb	Ee	Ӗӗ	Ии
Ӣӣ	Ҝҝ	ӅӮ	ӅӅ	Ӎӎ	Ҥҥ
ҊҊ	ҨҨ	Ҽҽ	ҼҼ	ӮӮ	ӰӮ
ҌҌ	ҏҏ	ҔҔ	ҔҔ	ҖҖ	ҘҘ
ҐҐ	ҒҒ	ғғ	ғғ	ҕҕ	ҖҖ
ґґ	ҒҒ	ғғ	ғғ	ҕҕ	ҖҖ

Тәм алфавитн мүн
газетаевн интәм хәншлүв

Aa	Ӓӓ	Bb	Ии	Ӣӣ
Ӣӣ	Ҝҝ	ӅӮ	ӅӮ	ӅӮ
ҊҊ	ҨҨ	Ҽҽ	Ҽҽ	ӮӮ
ҌҌ	ҏҏ	ҔҔ	ҔҔ	ӰӮ
ҐҐ	ҒҒ	ғғ	ғғ	ҖҖ
ґґ	ҒҒ	ғғ	ғғ	ҖҖ

Щит йилуп
буквайт пила алфавит

«Хәнты ясән» па «Луима сәрипос» газетайцән ух редактор нә Раиса Решетникова лупац, хуты 2004-мит ол вүш эвәлт есәлтү непекев 1990-мит олн вүюм алфавитн ётл. Мирева тәм ширн хәншум газета лўнәттү кеншәк. «Юхи хәшум оләтн газетаевн тәх пурайн йилуп буквайтн хәншум путәрт вәлдлят. Тәп-тәп газета ётл, имухты лўнәттү ёх мүңева пищмайт китләт муй па карты кел хүват путәртләт, лыведа лавәрт дўнәттү. Мүн, вантә, газетаев лўнәттү ёх пәта рәпитетлүв, ширн лыв одңелн нәмәслүв», — юхи хәшум артән Р. Решетникова лупац.

Округ вәнлтыйлты па айлат ёх вәрәт тәтүү департамент кәща хә Алексей Дренин лупац, хуты интәм Россияевн вәлтү

арсыр мирәт нәмәсләт, муйсәр государственной тәхи кәщайт вәритецлүв алфавит оләңән поступсы вүты. Елды путәртәт: «Бантә, хәнтэт ўн тәп тәп Югра мүвевн вәлдлят. Хәнтэт Ямал, Тюменской па Томской областьнән вәлдлят, ширн хәнтэт пәты исыр алфавит вүты мосл».

Округ шуши мирәт ассамблея кәща хә Еремей Айпин ясән ширн, мүн учёной ёхлүва мосл па хон пәләк мүвәтн вәлтү финно-угрят хәншты вәр иты мүн ясәв вәнлтыйлты. «Ан мосл йилуп алфавит вүты вәр пила тәрмадлайт. Щит тәса па яма нух вантты па дәшттү, иса хәнтэт иныштасы па вән мирхот верты мосл», — лўв лупац.

Людмила Шульгина

Еваев 70 ода йис

Мүва сащты, йинка сащты учёной ими Ева Адамовна Шмидт Венгрия мүвн Будапешт воши лыпэц өнумты тылдэц 28-мит хэтдэн 1948-мит одн сэма питэс. Лёв вэлмал нэпэц хэнты па вухаль мир вэлупсы, йис путрат, тарнан моньшт нух хэншман па вэнлтуман рэпитэс. Тэм од тэланца, яма вэс ки, 70 ода лэдн йис. Ева Адамовна Шмидт Ёмвоши 2002-мит одн ёнтэма йис. Лёв шуши мират пила ар од рэпитэс па хантэтн, вухалжтын ван рётна юкана нэмман тайла. Вэн хуятах алъшады: «Мүн Еваев».

Хүв йисн 1969-мит одн мет одён пүш Будапешт воши Этваш Лоранд немуп университетн вэнлтыйлты айлат эви Ева Шмидт Ленинград воша юхтэс. Лёв А.И. Герцен нэмпи институт хуша хэнты па вухаль ясэндэн вэнлтаты яхилдэс. Щата уша версалэ Түкьякэн вош эвэлт эви Таисья Себурова. Ар од мэр «Ханты ясэн» газета кэща лэнкэр нена рэпитум ими **Таисья Степановна Себурова** нэмэлдмэслэ:

— Ас хэлтэс тылдэцн 1970-мит одн мин Еваем пила Сүмэцвош района Түкьякэн воша мэнсумн. Тата мүн увас мүвэвн вера тарум ишкэ вэс. Полнавта юхтсумн, нэмдем, мин ош сүх сахэт, вейт дэмэтсумн па щэлтаса елды ловайн эхдн Түкьякэн щи ледумсумн. Щата Евайн вэна ювум хантэт Илья Петрович Себуров, Данил Митрофанович

Каксин, Анастасия Дмитриевна Гришкина, Матрёна Григорьевна Себурова, Каллистрат Григорьевич Гришкин па па хуятах эвэлт йис путрат, моньшт нух хэншэс.

Өхэц ар од мэнум юпийн Ёмвоши Ас потты тылдэц 28-мит хэтдэн 1991-мит одн Ас-угорской институт пүншса. Щирн щи тэхи верты Венгрия мүв вэн учёной ими Ева Адамовна Шмидт нэйтэс. Щэлта 1991-мит одн Нуви сэнхум воши увас мүв хантэт арт, моньшт па йис путрат вэнлтаты па нух хэншты тэхи пүншса. Щи тэхи кэща Е. Шмидт пунса. Лёв пилдэц щата ар од Ас ханты ими **Римма Константиновна Слепенкова** рэпитэс па щи одэт одёндн тэмити лупас:

— Тэп Нуви сэнхум воши увас мүв хантэт арт, моньшт па йис

путрат вэнлтаты па нух хэншты тэхи пүншса, щата Еваев Тимофей па Татьяна Молдановцэн пила рэпитэс. Ма 1992-мит одн Е. Шмидт пила вэтаха йисум па лёв мэнсем ястэс: «Нэн рэт ханты ясцен яма тайлдэн, юва мүн хущава рэпитти». Щиты ма лёв пилдэц кэлэртти питсум. Еваемн вэнлтэсийн тэса арт, моньшт нух хэншты. Щэлта хэннэхэйт мүн видео хура вуйляслэв, муй вурн йис путрат пилдэцтэлт па щи мэрн муй иты омасдэйт, карилдэйт па нух лодьдэйт. Щит, вантэ, ханты мир вэлупсы нух вэнлтатын мосл. Щэлта вэнт шушийн вүлдэ даваалман вэлтэс мирияма рэт яснед вэлэл па ин тэмхэйтэл вэнта йис моньшт моньшлэйт. Еваев увас мир шенк мосман па рётна щирн нэмэлдээ. Лёв лупум ям ясэндэл ма иса нэмман тайлдлэдэл.

Нуви сэнхум воши увас мүв хантэт арт, моньшт па йис путрат вэнлтаты па нух хэншты тэхи кэща ими **Тамара Романовна Пятникова** нёмхмэс:

— Ева Шмидт кимэйт пүш Ёмвоши округа 1980-мит одн юхтэс. Лёв щирн пакнаас, муй вурн ханты мир йис вэлупсы сора вэна ювум ёх пила худал. Щиты нумас вэрэс рэт ясэн па непекэн хантэт па вухалжтын ияха ёкайты па Ас-угорской институт пүншты. Щэлта 1980-мит одэт лёв учёной ими Надежда Лукина пила питсэн щи вэр одёндн



Ева Шмидт

нэмэсты. Тэп 1991-мит одн Ас-угорской тэхи вэрса. Йинши тэхи пүншты яма нэйтэссэн. Ева Адамовна 11 одн мэр Нуви сэнхум воши увас мүв хантэт арт, моньшт па йис путрат вэнлтаты па нух хэншты тэхи кэща имия вэс. Лёв наука щирн 90 мултас непек шуши мир одёндн хэншэс. Щи тумпи ар моньш па тарнан йис вэр нух хэншэс. Тэп лёв рэпаратил киникая вэрман ён вэл. Ева Шмидт щиты лупас: «Ханты мир яснэйт рүшт буквайтн хэншман вэлдэйт. Йилуп па нартам буквайт ён рахд ясана вэрты...».

Ма иши вэн учёной ими Ева Адамовна вэсsem. Лёв 1991-мит одн ашем Алексей Михайлович па ёнкэм Евдоция Кузьминична Молдановцэн вэнт кэртэн хэлум тылдэц мэр вэс. Тэм хуятах яма ханты ясэндэл хошас путартты. Аңкэм па ашем эвэлт йис вэрэйт нух хэншилдэс. Вантэ, хүв йис эвэлт щиты тывас, ханты мир мет одёндн Венгрия мүв учёной ёх пила вэтаха йисэйт. Алда, щи пята Ева Адамовна Шмидт ар од мэр хантэт па вухалжтын күтн вэс па рэпитэс. Мүн лёвтэй хүв йис па хүв нэпэц нэмман тайлытти питлэв.

Ульяна ДАНИЛО



Ева Шмидт Кассум воши 1997-мит одн

Сёма питум хэлтд елпийн

Лыпээт тылдэш сухэнты артэн киникайт хэншты па политической вэртэл дэрамтты хэ Еремей Айпин 70 ода йил.

Цит вўранцэн Ас ногтэйтии тылдэш 24-мит хэлтэл «Природы и Человека» хотн «Звезда утренней зари» нэмуп вэйтантупсы вэс. Вошан мир хэнты писатель пида вэйтантыйлсэт, лүвэл арсыр ут одэнцэн иньшэссэт па «В поисках первой звезды» нэмуп ийлуп киникайл хуши хэншум утэт хэлдэнтсэт. «Природы и Человека» музей хуши вэлтвы «Наша студия «Живой театр. hm» нэмуп тэхи ёх па «Хэлт» нэмуп театр эви па пух Е. Айпин хэншум непекэт посн лундлутуптэй ванлтасэт. Щалта мойн ёх ванлтупсыйн щи хэ непекэт вантсэт. «Кедровый промысел» нэмуп тэхийн лыв нохар сэм систамтты хушап шивалдасэт. Щи ут 1990-мит одэт Татьяна Молданова Е. Айпин вэлум вэнт көрт эвэлт тыв тэс.

Мет одэнцэн эви па пух лундлутуп ванлтасэн. Щи юпийн лүнлутупын хэ Алексей Молданов Е. Айпина лупас: «Пёмашипа тэмдэш пьеса паты. Нэц щи ут хэншсан, хэн ма худна сёма ѣн питсум. Интум щи ут посн лундлутупн юнтуум». Щи юпийн Еремей Данилович мир хотац ёх иньшэсум вэртэл одэнцэн путартас. Муй паты лүв хэнты киникайт хэншты питас? Щи одэнцэн лупас: «Ай пурайн нэлдэгдэл путрат, моньшэт вэнтэти па хүл ведты вэр одэнцэн хэлдэнтсум. Хэн ар путэр нумса паватсум, дапатмит нивлмит классан щи одэнцэн хэншты пиньшэсум».

Мет сэрыи ётум киникайл одэнцэн Е. Айпин сёма питти ай пушах иты тэйлдэлдэ: «Олдэн киникая амтэйтэлдэн нюор тэп сёма питум ай няврема. Алдаа, кашан художник, киникайт хэншты хуят па артнараас сыйт вэрты хэннэхэл лүвэл Тэрум ашига лүнцэлдэлдэ. Хэн хэншлэн, муй ширнэлэнхэлэн, щиты киникайн вэрлэн: хуят — щих велдэн, хуят — саамаца тэйлэн. Дээх иты нэмн омасдэн па муй нумас тэйлэн, щиты вэрлэн».

Цалта Еремей Айпин иньшэссы, хэнты стихэт хэншас муй ѣнтэ? Лүв лупас, хэн путрат муват-юханэт, вой-хүл велпэслэты вэр одэнцэн хэншты питас, щи пурайн стихэт хэншты иши пиньшэс. Тэп щитдал ѣнт ётсэт. Вантэ, стихдал вэлум непек хулт вэшэс. Мет ям стихал 1967-1968-митн «Ленинская правда» непека тэсдэ. Щитд иши вэшэс. Щи йисн лүв хулна педучилища хуши вэнлтлыдас. Щи юпийн щитэт хэншты вудийс. «Поэзия — щит шенк даварт вэр. Щалта кашан ясан, кашан сый па кашан пос тэса хэншты мосл», — лупас писатель.

Хэнглийской, венгерской, финской, немецкой па па мир ясната тулмащтасыйт па арсыр муватн ётсэт. Францияйн Е. Айпин кат тулмащтасыйт хэ тайл, лын арад пелэк непекдал французской яснца тулмащтасэн. Ипүш Еремей Данилович щада «И драпт рүш кини-



Е. Айпин вэйтантупсыйн. Ёмвош, 2018-мит ол



Лундлутуп Е. Айпин вэйтантупсыйн

кайт» нэмуп мирхоти вэс. Тынесты хэрн лүв мира киникайл лүнлэгэлдэ. Французац лүвэлэдэ лупас, лыв хущеда вэйтантупсыйн писателят киникайл ѣн лүнцэлдэ, лыв мирхотац ёха лыв однелн ай паватлэг. Щи пурайн мира өмдэш питд киникайт дэтты. Ширн, щада хэнты хэ уша вэрэс, Франция киньши Россияйн киникайт ел тыныти вэр иса пасыра вэл.

«В поисках первой звезды» нэмуп киника Е. Айпин 1992-мит ол

вүш эвэлт хэншэл. Лүв нэмэсл, интум 2018-мит ол сухэнты артэн щитд ётэл. Хурат щи непека Геннадий Райшев хэншэс. «Хүв вүш эвэлт щи непек ёсэлты ѣн тывас. Вантэ, нэлдэгдэл пасыра хэншсем. Пура мэндэл, вэлупсы иса пасыра йис. Ин нумас юхатсыном, ѣн мосл хүв мэр вэртэл вэрты, щит сора дэштэлтэ мосл», — нэмэслд щи хэ.

Реональда ОЛЬЗИНА
хэншэс па хурцэн
вэрэс

РЭПИТМАЛ МÄР МИР ЯМÄЛМАН ВЭС

Ая вэлмөмн яма нэмлэс, Ваньшаваёт кэртэн кät тохтур нэ рэпитсэндэн, Ольга Ильинична Костина па Людмила Дмитриевна Боковая. Лын однадж тэп ям па вешкат нумсэт хэшсэт. Тэмхэйтл ма Ольга Ильинична однадж хэншты дэнхалум. Лёв Ас нопатты тылдэш 10-мит хэтдэн 80 ол постас.

Xэнты Сүмэцвощ шуши кэртэн, мэта ут Ас хонадж омсас, 1938-мит одн Милляховат хоттел ёхн Ольга эвие сесма питас. Лёв атэлт няврэма вэс, ая вэлмалн анкилы хэшсэт. 1941-мит одн, хэн пэлтгап лаль тывас, ашел Илья Иванович Милляхов лалясты тэсэ па юхлы лёв ён юхтас, хутты лаль хэртн вошас.

Оля эвие Лиза щащелн енмэлсү. 1947-мит одн

ашколая вэнлтыйлты мэндэс. Лёв яма па тэса вэнлтыйл, рүтүштэй хэтдэйт пурайн щащел хуша рэт кэрта янхас. Тэп щэта вэрлы ён омсыдэс, щащел пүнхэлн сырсыр пурмасэт вэрты па ёнты вэнлтыйл. 12 ол дуваттыйн лёв посэт, хэншэн вейт тыты, сэж кэртты, пант талты хошас.

Xэн Оля 15 ода йис, щащел ён-тэма йис. Пирэш ими

ванкүлты хилненда пүтэргэлдэс, хуты тэса ат вэнлтыйл, щи унтасн яма вэлты питл. Ольга щащел яснэт нэмман ашкола юпийн Емвоша тохтур нена вэнлтыйлты мэндэс. 1958-мит одн эвие фельдшер-акушера йис па Октябрьской района Чемаши кэрта рэпитты китсы. Шэгэта Павел Тарасович Костин пила вэйтантыйлсэндэн, яха мэнсэндэн, еша вэс Ира эвиян сема питас. Шэгэта ол мэр рэпитас па айлат семья Ваньшаваёт кэрта вэлты мэнсэт.

Щи кэртэн Ольга Ильинична 21 ол тохтура рэпитас. Щи олдат мэр арсыр верэйт тивийдэс. Нэндээ ай пушхэт па вэн хуятт ямалман вэс. Атлхэйтл мэр кашац хуятт хуши янхас. Сырсыр лаварт мэшэт лекцитас, ар хуяг нух етлтэс, ар хуята нётэс. Итэх пурайн ат мэр кашац хуят хуши янхас па алдэн имухты, ён па рүтүшуман, пэлр-

нициая рэпитты мэндэс. Ваньшаваёт кэрт ёх тэмхэйтл вэнты лёв однадж нэмдэйт па тэп ям па хошум яснэндэд пүтэргэлдэйт. Ваньшаваёт юпийн лёв Поднаваёт кэрт пэлнинийн рэпитас. Иса рэпитмал мэр Ольга Ильинична 35 ол мир ямалман вэс.

Лёв атэлт няврэма дэнхас, дэлн лёв семьяйл хуши ар няврэм ат вэс. Лын икел пила нял эви Ирина, Файна, Аня, Лиза па кэт пух Паша па Алёша тайсан. Ин няврэмдэл вэна йисэйт, Ольга Ильинична интэйл ар хилы па хилдэне тайл. Хилнедэл иши няврэмдэл ар хилыдалн мосман тайл.

Хэнты щащелн ёнтасты вэнлтасы па рүтүштэй мэнмал юпийн лёв хурамац ернасэт, щашкан сэхдэг ёнтаас, сэвум вейт, посэт тыйс. Верум пурмасдац сырсыр ванлтупсэти шивалаты рахас. Эвидал па хилнедэл худьеева хурамац пантай щашкан сэхдэг па ернасдэн ёнтаасэлэ, сэвум веяян тайсалэ.

Ольга Ильинична 80 ода ювум вүранын эвидалн, «Хэнты яснэн» па «Луима сэрийн» газетийн хуши рэпитты ёхн, Ваньшаваёт кэртэн вэлты ханненхуягийн вүща яснэндэн китлэ. Щи арат ол мир ямалман рэпитмал пэчийн вэн пэмашипа яснэн лүвэлэд лутлув. Елды тэлэн, уяца, ям нумасн ат вэл. Найн-Вэртэн няврэмдэл, хилыдал пила лавалман ат тайл. Тэлэн ёш, тэлэн күр!

Файна эвэл миом
непекэт ширн
хэнты яснэн хэншэс
Надежда ВАХ



Костинат айлат хоттел ёх



О.И. Костина няврэмдэл па хилыдал пила

«Коми му» газета 100 ода йис

Лыпят тылдящ 9-мит хаталн 2018-мит одн Коми мүвн финно-угорской айкедат ханшты ёх ёктаждийлсэт. Щи хатлэн «Зырянская жизнь» газета олёнмит пүш етмал вүш эвэлт 100 од постасы. Ин щи непек «Коми му» нэм тайлд. Емэнхатл Финно-угорской этнокультурной парк хуши вэс, щит ыб воши, Сыктывкар вош эвэлт 60 километрайн вэл.



Н. Рагимова в өрүм хурдай

Алэн вүш эвэлт мойн ёх ыб вош хуват тэсийт. Щит Сыктывдинской районэн вэл. Щи вош мүвн 13 ай кэрт вэл, мэтайт лапаёт пай хонёнэн омайлдайт. Кашэн кэртэн емэн тэхи па лыдян ынж вэл. Щата мойн ёх уша павайтсэт, хутыса йис пурайн саран ёх вэсэйт. Мүн ненэт пяты Серафимовской емэн хота лунсув, лыдян ынж увты тэхийн вэсув, «Каргортский» нэмпи мүв-аваёт давалты тэхи шиваладасув.

Щи юпийн «Лучшие практики национальных средств массовой информации и перспективы развития национальных изданий» нэмпи мирхот вэс. Щата

айкедат ханшты ёх газетайдал па журналдал олёнэн путартсэт. «Коми» издательский дом кэща нэ Елена Плетцер коми непекёт олёнэн айкелтэс, щит «Коми му», «Йолога» газетайнэн, «Бикинь», «Чушканзи» па «Войвыв Кодзув» нэмпи журналыт.

«Вперёд» нэмпи коми газета кэща нэ Наталья Шлыкова ясэн эвэлт уша йис, хуты непекэлд олэн пүш 1932-мит одн есэлды. 1954-мит од вэнты щата тэп саран ясэнэн ханшсы. Щи юпийн тэп рүш ясэнэн. 2015-мит од вүш эвэлт хэлум тылдящ мэр тэп и лопаёт саран ясэнэн ханшлы, па лопаёт иса рүш ясэнэн.

«Удмурт Дунне» газета хэлум од юхлы иши сот од постас. Щи непек олёнэн лупаёт кэща нэ Зинаида Рябинина. Лүв вандтэс, муйсэр газета 1918-мит одн вэс, муйхуласа лүв интэм олдтийт.

Щалта «Вордском кыл» непек кэща хэ Павел Баженов Удмуртия мүв эвэлт ясэн вүс. Щи непек няврэмт вэнлтэты ёх пяты есэлды. Олёнмит пүш лүв 1990-мит одн есэлды. Интэм од мэр ян журнал етл (кашэн тылдящ лыпайт па ван хатлуп тылдэнэн тумпи). Үзүү газетайл тумпи няврэмт вэнлтэты ёх пяты киникайт есэлдэйт, мирхотят вэрлэйт.

Ма «Ханты ясэн» па «Луима сэрипос» непекнэн олёнэн путартсум.

Мирхот юпийн етнхот вэс, хута «Коми му» газета 100 ода ювмад пяты щата рэпитты ёх ишаксыйт, мойлдасыйт па ям ясэнэн лупсыйт. Коми мүв национальной политика министр нэ Галина Габушева саран мүв кэща Сергей Гапликов нэмдэл эвэлт непек лүнтэс: «Щи арат од мэр непекен арсыр нэм тайс, тэп иса пурайн щата рэт мүвевн вэлты

мирхотят, тэта вэлты ёх олёнэн ханшман вэл. Тэм лүнэтты непек мир вэлупсыяа вэнунтастэл».

Щалта газетайн рэпитты хуягтэй кэща ёхн ишаксыйт, мойлдасыйт. Емэнхатла па вохсыйт хэнтты щи непека ханшум ёх, щит Вулац Отечественной даля янхум хэ Никон Хатанзейский, лүв 60-кэм од мэр айкедат лэштэйтман рэпитэс. Щалта Ия Сюровасева, лүв иши «Коми му» газетая айт ханшилдас. Ар од мэр щата рэпитэс Алексей Белых. Үзүү емэнхатла пурайн ишаксыйт па мойлдасыйт.

«Зырянская жизнь» нэмпи газета олэн пүш 1918-мит одн лыпят тылдящ 10-митн есэлды. Щи арат од мэр лүв щимац нэмэт тайс — «Удж», «Коми сикт», «Коми колхозник», «Ворлэдэзысь», «Югыт туй», 1991-мит од вүш эвэлт — «Коми му». Газетайн интэм, сырьи одэт иты, саран мүвн вэлты иса мирхотят олёнэн ханшман вэл. Лүв ар унтас тэл саран ёх ясэн па литература, культура, йис вэрэйт нух алумты пяты.

Надежда РАГИМОВА



Мойн ёх лыдян ынж увты тэхийн

Культура нух алумты па йис щирн вәлдты мосл

Елды путәр. Оләң лопаң олнитуман вәл.

Окружной творчества хот репатнек Светлана Нестерова «Реестр нематериального культурного наследия народов Ханты-Мансийского автономного округа – Югры» немуп непек оләңән ай павтас. Дүв вәрән хуята лупаң, муй ширн арат, моньшәт, пурмәсат па па утәт щи тәхия хәншты. Муй ширн щит ушәңа верты, С. Нестерова вәнлтупсы вәрәнтәл. Дүв ясңәл ширн, щит ут лыпәт тыләшн па лыпәт хойты тыләшн питл. «Ханты ясән» па «Луима сәрипос» ух не **Раиса Решетникова** путәртас, хутысаты нявшемят давәлты хотәтн па ўшколайн, дополнительной образования хотәт хуши па шуши нявшемят рүтьшәтә тәхетн эвет па пухат пурмәс верты вәнлтәлыйт. Институт развития образования немуп хотн рәпитеттне **Наталья Величко** нымләт оләңән ай павтас. Катра йис вүш эвәлт Сибирь хуши вәлдты мират па хәнтәт щитн яңхләт.



Николай Тасьманов па Яков Тарлин

Евдокия Нёмысова Семён Александрович Айпин оләңән путәртас. Щи вәртутән хә Нижневартовской районән вәл.

Хутисаты обской уграт пурмәсат исаан вәтшәтә, елды **Татьяна Модданова** путәртас. Щит вәр вүранән 1995-мит олн Союз мастеров традиционного искусства немуп тәхи пүншсы: «Мария Мерова хурасуп хуята рәт мирәл күтненумсат па пүляң хәнты, вухаль пурмәс ай вүш эвәлт вантсат. Щит пәты лыв немхәнты юврая пурмәс јн вәрләт. Эхат вәлупсы пасыра йис. Нявшемят воша касалдат. Муй лыв щата вантдат? Пасыр вәлупсы па дәмәтсухатн вән хәншет якты-ариты хәрәтн. Щиты мүң йис вәлупсәв вәтшәтә питсәв. Илатн вәртутән ненәт ияха ѫкәттә нумәс вәрсүв па лыведа «Народный мастер России» нем мәты. Ләлн нявшемят па айлат ёх лыв пидэла вантман иси тәс пурмәс верты ат питсат». Путрәт етшуптәты елпийн Татьяна Александровна вәрән ёха лупаң: «Нын вантатн тәп пүляң хәнты

па вухаль пурмәсат. Каш хәрәта ләмтыйлты сухата ат вантатн. Сценайн вән хәншет ат вәлдат».

Художественно-экспертной тәхи кәща **Виктор Банников** иши катра йис культура лылән тайты оләңән путәртас: «Мүңева нәләм айлат ёха лупты мосл, хути йис вәлупсы ки вәтшәлүв, щи пурайн мир хулт вәшл». Щәлтә елды лүв лупаң, тәп Художественно-экспертной тәхи ёх вәрән хуята «Мастер народных художественных промыслов Югры» немин альшәләт па щимәш немуп непек мәләт. «Нын Россия художник Союз вәрәннти ванлтупсәтн ванкүтлы пурмәслан мира ванлтаты ки питләтн, щи пурайн «Народный мастер России» немин мәлыйтн. Хуйтат писателят па художникат тәхенәнән хәншман вәлдат па рүтьшәләт, щитат Ёмвош округ хуши вәлдты «О дополнительном пенсионном обеспечении отдельных категорий граждан» поступсы рүвн 3940 арат шойт вухн сухуптәлыйт», – лупаң **Художественно-**

экспертной тәхи кәща.

Пурмәс вәрты хәр «Торум Маа» музейн вәс, хута хотат па лупасат омасләт. Щата хә ёх юнтутат луват хәнты па вухаль хотат, лупас, ай хоп па өхәл вәрсәт. Ненәт хүл сух тәнәлдәт па сорт, пание сух эвәлт пурмәс ёнтсат. Вет хәтд мәр Касум эвәлт юхтылум Яков Тарлин, Николай Тасьманов па Павел Тользин ай хоп, шәнш дәп, сәвәс дәп, лупас па вүлә өхәл вәрсәт. Вячеслав Кондин Рудольф Меров (Ёмвош) пила түйт өхәл вәрсән. Александр Сайнахов (Сәрханл) Ляпин юханән вәлдты хурасуп хот омасаң, Анатолий Брусницин (Ёмвош) Конда мүвн вәлдты хурасуп ай хоп вәрас.

Надежда Коновалова (Ёмвош) па ненәт иты хүл сух тәнәлдәт па сорт сух эвәлт елсай ёнтас. Галина Кондина па Мерова Мария (Ёмвош) пание сух эвәлт вухаль түчаң ёнтсән; Раиса Загородняя (Сүмәтвош) пание сух хир ёнтас; Мария Ситникова (Сәрханл) сорт сух эвәлт хир вәрас.

Тәм ненәт түмпи ёнтасты хәрн Любовь Аипина па Ирина Тырлина (Нижневартовской район), Наталья Поянкина (Пыть-Ях), Анна Сайнахова и Валентина Шадрина (Сәрханл), Елена Соломина, Евдокия Нёмысова, Людмила Зубакина, Виктория Дрокина (Ёмвош), Валентина Пащанина (Октябрьской район), Лидия Артанзева (Сүмәтвош район) па Елена Пуксикова – Югорской университетән вәнлтыйлты эви



Надежда Коновалова сорт сух елсай ванлтәл



Богдан Пашчанин па Варя Брусицина

В.Ользина вэрум хурт

вэсэт. Щитят күтн итэхэйт сыры нэмхэнты хүл сух эвэлт пурмас ён вэрантсэт.

Мосл лупты, вертут верты хэрн катай пушаёнан вэсэн: Варя Брусицина па Богдан Пашчанин. Вэн ёх итылын хэнты па вухаль лэмтутн вэсэн. Надежда Коновалова ёнтум сорт сух эвэлт ай елсай Варяя лепас па щи ут лув нух лэмтас. Щи юпийн архуяян эвие хура вусы.

Верантты хэр айтшуптум хаталдн семинарн вэрум хэлумъян пурмас мирхотан мира ванлтасыйт па ёхай музея мэсийт. Хэн щи хэр ляг тэхарсы, итэх вертуута ёх ясан вуйлясэт.

Николай Тасьманов лупас: «Ма лупас вэрсум. Щиты версем, лэндн ёхай нух досытты рахас. Щитэм еша ён етшас. Вантэ, армир күтн рэпата верты пурга ён тармайл, хэн мири мудты ванлтадан па лыв пилада путартлан». **Галина Кондина** Мария Мерова пила рэпитас па лупас, вэн ими ёнтасеца па нэлам айлат ненята ваньшты, ёнтасы нётас. «Мария Сергеевна Щекурья эвэлт вэл. Шатта сорт па панне емэн худа вэлдэн, щит пайты щитэн ён эвэлтлув. Рудольф Васильевич миinemna талн щит вэрэс», — лупас айлат вертуут верты не. Дув икел Вячеслав

Кондин па ащел Рудольф Меров туйт эхэл вэрсэн. Щит унтас интум «Торум Мaa» хуши щимаш эхэл питл. Павел Тользин вүлсөн хэ эхэл вэрэс. «Щи эхэлн вүлсөн ёх кашан хатл янхэлт. Ащем вүлсөн хэя вэс па ма юрн хотн щит верты вэнлсум», — лупас щи хэ. **Анатолий Брусицина** хоп юхнюхарти шенк лаварты антэ, хоп питэр верты лаварт вэс. «Одэн хопемин хоп питэр мэрэмас. Щиты питты пурайн Конда мүвн пирящ ёх лупас: «Одэн хоп сана ён рахас, шүкатас, па хоп вэрлум». Ма ишиты однитсем, ийнгуп хопем етшас», — лупас щи хэ.

Мирхот етшаты ел-пийн вертуута ёх, семинар лэштагум хуяят па айкецдэйт ёккетти ёх пэмашила непекэнт мэсийт. Вертуут верты хэр яма мэнэс па «Торум Мaa» рэпатнекд нумас паватсэт па пурайн аршак шуши айлат ёх щив вохты, лэндн лыв рэт мирд пурмасёт верты ат вэнлсэт. Яков Тарлин лупас, па пурайн вертуута хэрн хэннэхэйт немасия вэнлтаты мосл, муй ширн пурмас верты юх кэншты, щадта юх соралты па па вэрата. Тэм пүлжан итэх хуяят щит ён вэлдэйт.

Реональда Ользина

Хэнты ернас ёнтсэт

Лыпят ёнумты тылдэн Емвош округ творчества хотн имет па эвет хэнты ернас ёнтты вэнлтыйдсэт. Мет сырь мир ёктэшумн Емвош округ творчества хот кэща ими Елена Исламуратова па «Торум Мaa» йис пурмасёт шавиты тэхи кэща не Людмила Алфёрова ияха рэпитты щира кашацты непек хэншэн.

Мэнэма хэнты ернас ёнтты тэхия юхтум ими **Наталья Величко** лупас:

— Анкацкем Анастасия Ивановна Лельхова тэса Ас хэнты мир щашкан сэхэйт хошас ёнтты. Ма ушан-щомаца ювемин ёнкем мэнэма анкацкем ёнтум щашкан сэх мэслэ. Ин щи сух посн ма ваньшассум сэх па ёнтлум. Шенк лаварт щит хэнши па пайт талтас. Мет одэн пүш ма ёша ѹинтуул вет муй па дапат ол кэмн вүсум. Ёнтасы ёнкем Евдокия Нёмысова мэнты вэнлтаслэ. Имултыйн дув ернас ёнтман омсас па лутийд: «Эвие, мэнты нётэ, ернас пайтэ штешуптэ. Щиты айлта ёнтасы щи вэнлсум». Щадта ая вэлдем вүш эвэлт сэх каралтум, тыйлум. Анкацкем тэса хошас ютлэн вей сэвты.

Елды Ас-угорской айлат ёх тэхи кэща лэнкар не **Марина Горшкова** ястас:

— Хэнты ернас ёнтты вэйтантусыя ар айлат эви юхтылдас. Мүнэва эмаш уша верты, муй вүрн тэса ернас ёнтты мосл. Мүн тэта яха ернас ёнтты ваньшассум сэх па ёнтлум. Шенк лаварт щит хэнши па пайт талтас. Мет одэн пүш ма ёша ѹинтуул вет муй па дапат ол кэмн вүсум. Ёнтасы ёнкем Евдокия Нёмысова мэнты вэнлтаслэ. Имултыйн дув ернас ёнтман омсас па лутийд: «Эвие, мэнты нётэ, ернас пайтэ штешуптэ. Щиты айлта ёнтасы щи вэнлсум». Щадта ая вэлдем вүш эвэлт сэх каралтум, тыйлум. Анкацкем тэса хошас ютлэн вей сэвты.

Вэйтантусыя Сэрханд мүв эвэлт па Емвошэн имет па эвет юхтылдас. Яха ёктэшум ёх хэнты мир вэн ими Евдокия Нёмысова ванлтаслэ, муй вүрн йис ернас ваньшасты па ёнтты мосл. Тамаш эмаш вер Емвош округ творчества хотн рэпитты хуяят па Ас-угорской айлат ёх тэхи дэштасэт.

Ульяна МОЛДАНОВА



Майя Швеид ернас ваньшасл

У.Данило вэрум хур



Ратхэр пүнчлэн ат «Торум Мaa» хуща



Мүйтэд мирээт йис пурмэсэйт өкөтты па шавиты хотят емэнхэгтэл пэты Ас нопатты тылдэш 19-мит хэтэлдн Ёмвош «Торум Мaa» тэхийн «Ратхэр пүнчлэн ат» нэмпи өмэшт өтнхот лэштэс.

Арэн-якэн хэр па верайн ванлупсы «Югорская Долина» рүтүүштэй тэхи пүнчлэн Горная пусл хонёндэн вэрсы. Мосд ястай, «Торум Мaa» рэпатнекэт унтасн юхи хэшүүм олдтн тэта тэланц вэнт кэрт омэссы. Нюки хотят тумпийн тэта хэнтэй кэр, хута өплэн нянь вэрдэ, вэн ратхэр, хута хүл хошум йинц па содамаёт кавартлы па па мосты пурмэсэйт тэса лэштэман вэлдэлт.

Хэт щоскемн тыв вэнлата ювум ёх, арэн-якэн па путрэн айлат увас хуягтэй, няврэмэйт па ёд вошэн мир өктэшсэйт. Мойна юхтум хуягтэй пэты яххот тумпийн тэта сырсыр ай хэрэт лэштэсийт. Шуши мир юнтугтэй ванлтасыйт, одюопн хурат хэншти вэнлтасыйт, тунты эвэлт ай пурмэсэйт вэрсийт, нюки хотн моньшт моньшсийт, увас ёх ёрашты касупсээт лэштэсийт. Ши тумпийн хэнтэй кэрн ям арат

нянь вэрсы, дэлн кашэн хэннэхэй антэ тэп тэта өплэн няние давсмэс, юхи дэтты иши шир ат тэйс. Нянь киньша тэта арсыр ширин лэштэум хүл дэтты рэхэс.

Якты хэрн мойн мирещадт Ёмвошн вэлты айлат ёх шуши мир па үилуп ширин лэштэум арят арисэйт, нарасты сыйт ванлтасыйт па лүнтарят лүнжтасыйт. Щит Юлия Яркина, Татьяна Фоминых, Екатерина Потпот, Сергей Енов, Сюнер Анышев, Олег Тарлин, Геннадий Ершов, Дмитрий Баянкин, Мазбут Махмудов, Анатолий Брусницин, Сергей Ремизов, Татьяна Огнёва па Валентин Неттин.

Ши күтн кашэн хэннэхэй веритас увас мир дэмэйтсух дэмэттэй па Ѣши утн хур вүты. Щалтга өктэшум мир өплэн хүл хошум йинцэн, каврум па шаритум нянян лаптасийт.

Ирина САМСОНОВА



Мүвев кимәл давлум хэ

Ас нопатты тылдящ 28-митн Россия мүв кимәл давалты тা�хи 100 ода юис. Тамхатл ма лэнхалум СССР мүвев давлум юрн хэ Василий Владимирович Пяк одёнэн хэншты.

Лёв служитум олдал щиты нэмләмдэслэ: — 1985-1987-мит одёнэн ма 58-мит Гродековской пограничной отряд Краснознамённой Тихоокеанской пограничной округ хуша служитум. Щит Владивосток вош пүнгэлн вэл. Щата СССР мүвев Китайской народной республика пила ияха хойлдэн. Щит Уссурийской вэнт, щата шенк каврум иинчи лыл рүв, ма пилема служитум итэх айлат хэята щимаш тэхетн даварт вэс. Мэнэма, вэнт нёрум мүнн ёнум хэя, щата ям вэс. Одёнмит ол шэпев ма «Синий ключ» нэмпи кимит заставайн служитум, щалта «Бутан» нэмпи хэдмит тэхийн мүвев давалсум.

Служитум артэн ма кимит класс «Кинолог» юисум, ампят вуракт кэншты вэндтэсум. Эхэт старшина нэмн юкантсыюм. Ма яма па вешката служитум, щирн ма однёмэн кэт пүш «Пограничник на Тихом океане» нэмпи газетайн хэншы. Щи тумпи кимит степень «Отличник погранвойск» па «Отличник Советской Армии» мевл поснэн тайдум.

Там ванэн ма Сэрханл вошн вэсум. Щата мүв давалты тা�хи сот ол постасы. Пограничникт ияха шэшсэйт, щалта етихот вэс. Ма щата ияха служитум дэхсэм пила вэйтантыйлсум.

СССР мүв давлум юрн хэ Василий Пяк юхлы Лор вош рёт кэртэла кэрдэс. «Тэрүм дор» нэмпи мүвийнк давалты тэхийн гос-инспектора рэпитты питэс. Лёв вүт кэртэл иши щи тэхийн вэл, ванэн «Сургутнефтегаз» мүв илти питы вуй па газ вүты тা�хи ёх рэпитдэл. Тэндэл «Тэрүм дор» тэхийн хэс ода юис, щи пурайн ма Василий Пяк пила вэйтантыйлсум па путартсум. Лёв тэмаш айтэс:

— Кэртэн мирев ён дэнхасэйт, дэлн мүн хүщева питы вуй муй газ кэншсийт. Мосл лупты, «Тэрүм дор» мүв-ийнк давалты тэхийн вэрүүлжээ. Йишил мүнчэвээ щата вүдэ тэш давалты рахл. Ин щата питы вуй па газ вүты ёха рэпитты ён рахл.

</

Кунийт хоттөл ёх

Тэмхätд ма Кунийнэн именэн-икенэн одёнэн хэншты лэнхалум. Лын пилана ма Корлики кэртэн ветанаа йисум.

Корлик кэрт одёнмит депутат хэ

Алексей Егорович Куний ван хэтлуп тылыш 9-митн 1948-мит одн вэн семьяян сема питэс, лув кимит няврэма вэс. Щиты ёнкел-ащел одёнэн путартас: «Анкем – Агния Николаевна Кунина, эви опращнэмэл Комина вэс. Лув Корлики кэртэн сема питэс, енмэс. Ащем – Егор Иванович Куний, Красный Север кэрт эвэлт вэс. Анкем-ащем ияха хув нэпэйт вэсэнэн. Сыры ащем ёнтэма йис, ёнкем 70 мултас од вэс. Ма ащем па имем аши Вудац Отечественной даля ён вүсийнэн, вантэ, лыв мёт яма хув па вой велпэссэнэн. Даляр пурайн арсыр пушканэт, танкэт па па утэт дэтты пята тынэнвой сухэт па хон пелэк мүвэтаа китсийт. Корлики кэрт эвэлт 34 хуят даля мэнсэт, нэмудт хуят юхлы ён кердэс. Ащем яйл Андрей Иванович Куний 1941-мит одн мүн мүвэвээр эвэлт вуракт вошигты мэнэс. 1942-мит муй 1943-мит одн ямалты юхтылдэс, щэлтаа еллы далясэс. Юхи кердэс, ар мевл постайс. Лув нэмл Корлики кэртэн кев хурасэн хэншман вэл».

Алексей тэп хэлдэг класс етшуптас па имухты рэпитти



Евгения Алексеевна Кунина

однитэс. Ащела хув, вой вед-пэслэты, бүлэг давалты нэтэс. 17 ода ювмалд Алексей передовика йис, 18 ол лувватн именаа йис, пухл сема питэс. Лув мет ям вой велты хэя вэс, щирн Корлики кэртэн мирн лув депутаты пирисы. Лув тэп 20 ода йис. Щи юпийн ванкулты арсыр мирхотаянхас.

Пенсияя мэнты вэнты лув хув, вой велпэслуман вэс, ар пүш план тэкнуптас. Вещкатаа рэпиттэлээ пяты ар мевл пос, «Ветеран труда» нэм тайлд.

Рүтүүштээ мэнмал юпийн А.Е. Куний ай хопатн касупсыяа янхты питэс, щи пурайн Нижневартовской район ёх одёнмит тэхэт вүсэлт. Ин лув мэшигтээ питэс, щирн щи касупсыяа ён янхэл.

Юхи хашум артэн А.Е. Куний тыштуман лупас, ин хув, вой велты ёх ён па вэлэлт, худта хувдат па вой сухэт мэты. Сыры Сарханд хув заводы китсэт.

40 мултас од ай леккара рэпиттэс

Алексей Егорович Куний имел Евгения Алексеевна хэнты Прасин рэлтээ эвэлт йил. Лув щиты лупл: «Ма нээрүү мүүн вэн кэр тылыш 18-митн 1943-мит одн сема



Алексей Егорович Куний

питсум, непекэн хэншман, ма Комсомольской кэртэн сема питсум. Щи кэрт Корлики вош эвэлт увас пелкэн 80 верстайн вэс. Ащем Алексей Николаевич Прасин, ёнкем Надежда Ивановна Ляксин рэлтээ эвэлт йил. Лув Ларьяк вош пүнчлэн вэлум Панас кэрт эвэлт. Щэта ям арат юрн хот омсэс. Мүн семьяевн хэт няврэм вэс. Яйдам ая вэлмэдн ёнтэма йисэлт. Августа улем хэлум няврэм тайлд. Ма – күтгүлтээ эви. Валентина ашем Тэлэл вошн вэл».

Евгения даль пурайн сема питэс, енмэс па лупас, хуты лув ёнкел колхозн рэпиттэс па имет пила хув тэтьялас. Женя эвие айтэлн ёнкел пила рэпатаа янхас. Щиты нэмдэлээ:

– Нэмдэл, ёнкем пила эхэлн омасдум, щиты 4-5 эхэлн судаан хув тэлдүү. Мин пиламна 3-4 ими вэс. Комсомольской кэрт эвэлт Корлики вош вэнты янхман кэт пүш рүтүүшээсүү, улсүү. Тэлн – 50 градус вэс, шенк ишки.

Женя эвие шенк вэндтыйлты лэнхас, ёшколая даварт мэнты вэс:

– Красный Север кэртэн ма тэп 3 класс етшуптасум, елды Вэн Ларьяк воша юхтултээ мосэс. Сыры ай хопн мэнсүү, щэлтаа күрн шэшсүү, рүтүүшээсүү. Корлики кэрт эвэлт ай түтэн хопн Ларьяка, щэлтаа Вэн Ларьяка йисэлт. Тэтаа мүн интернатэн вэсээвхолсүү па вэндтыйлсүү.

Ёшкола юпийн Ёмвошан мед-училиштэн ай леккара вэндтэлдээ. 1966-мит одн Корлики кэртээ рэпиттээ юхтас, щиты нэмдэлээ: «Сыры хантэт ар няврэм тайсэт, тэп лекчидээ вэр вевтамаа дэштэман вэс, щирн ар пушаах сурма питсэлт. Ям, юхи хашум одэтн имет ар няврэм тайтас, щи пурайн ванкулты хопатн муй па вүдээ эхэлн вүт кэртээ тайсэт. Тухдэн хопат тывум пурайн еш ажиншака йис. Ин тэтаа пэльница вэл. Ма тэтаа 41 ол рэпитсум, 1987-мит одн «Ветеран труда СССР» мевл пос ходумсум».

Икел пила хэлум няврэм енмэлтэс.

Шэлж Евгения Алексеевна, тохтурат еманхэтд пила! Вэн пэмашига нац даварт рэпатааэн пятаа. Елды хув нэпэйт тумтака вэла!

Людмила СПИРЯКОВА

Рэпатаем мосман тайлэм

Нуви санхум вош пэльницайн 2005-мит ол вүш эвэлт деккара хэнты не Зинаида Лозякова рэпитл. Мин вэйтантыйлмөмн лув вэлупсэл па рэпатаел олёнэн путартас.

Зинаида Алексеевна Касум воши 1980-мит ол вэйт дор тылдэш 10-мит хэтэлн вэн хэнты семьяйн сёма питэс. Аңкел — Елизавета Тихоновна, ащел — Алексей Михайлович Лозяковнэн (лув хувь антэма йис). Зинаида упи, кэт яй па хэлум апши тайлд: Надежда, Павел, Герман, Григорий, Семён па Полина.

Зинаида 1997-мит оли Касум вош ёшкола етшуптас па Ёмвоша Тюменской медицинской академия вэнлтийлты мэнэс. Хэт ол мэр щата вэнлтийлдэс. Ма ванкутлы алдат ёх эвэлт хэлсүм, щи тэхийн вэнлтийлты даварт. Щи олёнэн ма иньшассум Зинаида Алексеевна. Лув щиты ястас: «Щата вэнлтийлты шенк ям вэс. Мэнема имухты уша йис, и тэхийн омасты, ар киника лүнэтты па мосты вэрэгт вэнлтийлты мосл. Щиты щи вэнлтийлдсум. Муй олёнэн щата ма уша паватсум, щи вэрэгт рэпитты пурайн мэнема нётсэйт. Ма хэлдмит курс эвэлт па академия етшуптэти вэнты Ёмвош пэльницайн инфекционной тэхийн тохтура нётты нэца рэпитсум. Щит паты тыв юхатмөмн мэнема кеншак рэпитты вэс. Ма пидама вэнлтийлум итэх ёх ин иши тата пэльницайн рэпитдэйт. Елена Владимировна Тарлина (Ваньшавт кэргт эвэлт) Нижневартовск воши тохтура рэпитл, мин ияха вэнлтийлдсумн».

Мосл лупты, медакадемия етшуптэти юпийн тохтура йиты щира иса хуятаа Тю-



З.А. Лозякова рэпатаин



Нуви санхум вош пэльница хот

мень воши интернатурайн елды вэнлтийлты мосл. Щи елпийн мосл пириты, муйсэр тохтура йиты лаңхалдан. Зинаида Алексеева «терапевт» тохтура йиты лаңхас. Щата ол мэр вэнлтийлмал юпийн лув терапевта йис па щи пурва вүш эвэлт ин вэнты Нуви санхум вош пэльницайн рэпитл.

Лув ясандал щирн, одёндит олдтн рэпитты кеншак вэс тэм йис пурва киньзи. Вантэ, щи пурайн шимэлшак мэшэн хуягт вэс, компьютер ёнтэй вэс. Хэннехэ мэшэлт олёнэн кинишская (карточкая) хэншийлсү, арсыр отчёт непек хэншты ён мосац. «Ин кашэн ол пила аршак хэннехэ мүн хуягт юхтийл. Мосац, аршак мэш питэс, мосац, аршак хэннехэ вошевн вэлты питэс. Щалта ин мүн компьютерэн иса вошэн мир олёнэн уша

паватлув (электронной дневник), щата юхтум мир мэшэт олёнэн иса хэншты мосл, щи юпийн щитэтийн киншакаята пунты. Интэм ар пираш ёх, ар па мүвэйт эвэлт мүн вошева каслум хуягт мүн хуягт юхтийлдэйт», — лупас Зинаида Лозякова.

Ин ар тэхетн хэлдэн, хути ар хэннехэ атум кэши-мэш тайлдэйт. Щи олёнэн Зинаида Алексеевна щиты лупл: «Онкология мэш сыры олдтн иши вэс. Тэп щи пурайн мүн хэннехэя скрининг вэрты щир ён тайсув. Компьютерной томограф пэльницайн ёнтэй вэс. Ин щи ут тайлув. Щи утн хуягт едлыги утэйт, мевл, ух тэса вантты рэхл. Хэннехэ хуши мулты мэш шивадлув ки, имухты щи мэш тэса нух вантты веритлув. Мосл ки, Ёмвош округ вэн пэльнициая китлэв». Зинаида

ВЭЯТН ЩИ ОЛЁНЭН

Нуви санхум вош пэльницайн вудан тохтура Андрей Михайлович Маренко вэл. Щи пэльница район хуваттыйн 11 филиал тайлд, мэтайт кэргтэтийн рэпитдэйт. Щата кэргтэн леккар хуягт мир лекшитман вэлдэйт.

Алексеевна ясандал щирн, мир арсыр мэшэт тайлдэйт. Лув кашэн хэтл пэльницайн мир вантты тумпи хотятн янхэл. Итэх хуягт шенк мэшитдэйт, пэльнициая юхатты щир ён тайдэйт, юхи деккар вохладт. Итэхт күрн ён янхэдт, дывел иши вантты па лекшитты мосл. Щиты Зинаида Алексеевна кашэн хэтл кэт щос мэр хотятн янхэл.

2010-мит оли Зинаида икия мэнэс, щит хэнты хэ Иван Юрьевич Юхлимов. Лув рэт мувл — Манстэр район, Сургутнефтегаз тэхийн «слесарь-ремонтник» щирн рэпитл. Дын кэт няврэм ёнмэлдлэн — пух па эви. Пушхиенэн ин хэтл мэр давалдты хота янхийлдэн.

Ма Зинаида Алексеевна тохтурат емэнхэтлэн ям па хошум яснэйт луплум. Щимэш вудан па мосты вэр лув елды ат тэл! Мэнема ёмаш лув эвэлтэла щимэш яснэйт хэлдэнтты вэс: «Ма патема щит кен рэпата. Щи верем ма шенк мосман тайлэм!».

Надежда РАГИМОВА

Интернет-эзэлтүүмжүүр

Новьюхоп ёх опраш нэм олёнэн

Там пуртэм Новьюхопт олёнэн мэнд. Ма тата хайншум, муй щирн там опраш нэм тайс. Па муй щи олёнэн нумасдат вун ёх.

Ар щирн там ясэн толмаштала. Тухалд пирээш ёх ястасэт, мэттэ, кэт ясэн яха пунман: 'нёви' па 'ох'. Мосаң, яна щиты опраш нэмев тайс. Новьюхоп рутэт күтн яна щи нёви охпи па нёви элпий ёх вул. Сэмдал па этар хэрхурпет.

Кимет щирн па, мэттэ, 'нёви' па 'юх' ясэнэн элты таймал Новьюхоп опраш нэм. Нёви юх – щит, вантэ, сүмэт юх щи.

Мосаң, па щи щирн тайс там ясэн. Тамаштэ кэт ясэн яха пунман: 'нёвия вотум' па 'ох' ('нёвия охуп вотум ики элты, мосаң, опраш нэмев тайс').

Там опраш нэм мүн рутлэв мущасэт, танха, тата там мүва ёхатмел юпийн. Йисэн вулум тахелн, щит Кунавт хөщи, тамашт опраш нэмэн хуяг антум щи.

Там мүва ёхтум олёнэн

Муй щирн ин вулты тахела Новьюхопт ёхатсэт, ин ма пуртэм мэнд. Йис пурайн мүн рутлэв вулмел Ямало-Ненецкай округн Лорвош районэн Кунавт Ас хөщи. Ций вүлэн ёх вулмел. Щи пурайн ёрнэт па хантэт күтэлн шенк атма вулмел па исяялисмел. Щи олёнэн нэпекэт щи хайншман вулдат.

И пурайн талац рутлэв вулум тахая вүлэн ухадан ёрнэт ёхатмел. Рутлэв вүлэт хольеева пантэн воштумэт. Вун опраш икев вүлды кирмал па вун пойх пила вүлышал хайншты мэнман вүлэт воштум юш хуват.

Щата дын китомтак ёрн утн катломнэн па яха вортумнэн. Щиты щи хольт пель туумнэн.

Щата щи ипуша хайншман. Ши верэт хольеева вүйтдэлдэв.

Там мүва хунтум олёнэн

Дүнца ювум юпийн вун щащев ими хайншум худом пойх пила вулум мүвлэлтийн иира хунтэты нумас вермал. Нумасмал, нявлэмдал туп лында ат хайншас. Ерн ут щи пурайн иса ванкулты щи напутмел. Щирн щи ими хопа нявлэмдал дэлтуммал па еша пормас пантэн вүймал.

Вун Ас хуват ювумел па шалта Бушрэн посла дунмел. Бушрэн ѿн, Ай Аса питти тахайн, ший вулымел. Мүв хот, танха, мулты щирн версэт. Па-вэрт хот нэ хоят омасты хун верытыл и лүн мэр.

Инты вунты щи мүв хот лотэт щата вулдат. Шук, алпа, щи пурайн морта тусэт. Туп щи имие худом пухел энмэлмал, нявлэмдал хульеева вуна ювидымел.

Пухдал олёнэн

Пухдал вуна ювумел па нэ тувмел. Вулты ар тахая мэнмел. Куртдал күтэлн шенк хүвн ён вулмел. Ций куртдал нэмэт: Вашдор бөв курт, Юхан курт, Бушрэн бөв курт. Ин вулты Новьюхопт ёх щи худом пух элты щи мэнсэт, щи куртайн щи вусэт.

Рутлдал олёнэн

Йисн, хун мүн рутлэв Кунавт элты иира мэнсэт, щата рут ёхлал хайншмел. Ций опраш нэмдел, мэттэ, Русмиленко, Уксюмоват па Тояроват. Щи верэт, танха, шенк хүвн ён вусэт.



Тимофей Андреевич па Михаил Андреевич Новьюховнэн 1955-мит талн.

Күтлүп Тэкн

Мүн нумлэв, муй щирн 1959-мет талн З хоят: Михаил Андреевич Новьюхоп, Макар Тимофеевич Новьюхоп, Василий Ильич Новьюхоп щий яхсас. Щата вулум пирээш ими мата хайншум вердам иса нуммал, шенк амэтмал ёхтём рутлал шиялдомал пурайн.

Ин щирн щиты щи Тэкн елды мэнд худом Новьюхопт рут. Хольеева лыв яй па апшия щи лунтаслай.

Ма мүн Новьюхопт рутлэв олёнэн щимэш ар хайншум.

«Новьюхопт олёнэн ар»

Нёви вешпи ям ухлэв,
Нёви ухпий ям рутлэв.
Нёви юх – щит вусты
сүмэт,
Нёви ёх – щит нёмсэн
ёх.
Нёви юх – щит вусты
сүмэт,
Нёви ёх – щит систам
ёх.

Вун Ас пель ёхлэв
вулмел,

Кунавт эвэлт рутлэв
ёхтмел
Найн-Буртэн ям
мүвие,
Ипуша щи мүн хаймев,
Найн-Буртэн ям
мүвие,
Иса щи мүн ед миймев.

Ай Асн мүн тыхэл
версүв,
Тэк йис куртэн рутлэв
вуйтсүв.
Туром ашийн ат
шавидаюв,
Тэк икевн юрн ат
мэлаюв.
Туром ашийн ат
шавидаюв,
Такн дойтэй в
унлтэлдаюв.

Ипуша елды ат вулдат,
Систам нёмас, юш ат
тайлдат
Тохлэн нёви охпи
ёхлэв
Маркэн нёви юхпий
мирлэв
Тохлэн нёви охпи
ёхлэв,
Тэпэн нёви венши
рутлэв.

Зоя НОВЬЮХОВА
Тэк курт

МҮВ СЫСТАМА ТАЙТЫ МОСЛ

Ёмвоши мүв-ават вәнъльты па давалты «Спасти и сохранить» немуп вән мирхот 22-мит пүш вәрса. Лыптә өнумты тылдящ 7-мит хәтәлди мүв сыстама тайты вәрәт одәнән айкел хәншты ёх, вән мирхота юхтум хүяттә па Югра мүв кәщайт путәртсәт.

Эстония мүв айкел хәншты хә Александр Цукерман иньшәссәлә, хән Югра мүвн факел түтәт ләп хәрәтдайт? Вәнтәт, лорәт вантыйлман тайты тәхи кәща ики **Сергей Пикунов** июхлы нёхмәс, сырлы оләтн 7 миллиард кубической метр арат газ нух вүштийлса, ин тәп 1,5 миллиард кубической метр газкем факел түтәтн дәл. Югра мүв кәща ими Н. Комарова партас щи түтәт 98 процента араткема шимла верты. 2007-мит олн мүв хәлыты атум

уттәхәлдум миллион арат кубической арат метр питас па 2017-мит олн мүва питты хәлы шимда йис. Щи тумпи Югра мүвн газ мосты вера вет тәхи дәштәтман рәпитл. Елды Россия мүвн Ёмвоши округ луваттын рәпитты Росприроднадзор кәща хә **Вадим Скворцов** ясәң эвәлт уша йис, мүв вуй нух талты тәхет лыв ол дүнта вантман тайләдал. Шәлтә вәнт юх-енка лыв рәпатаед эвәлт атум хәлең нёххәл муй па газ питл ки, щи тәхет вух сухуптәләт.

Өхәт Ёмвоши округ губернатор ләнкәр ики **Алексей Забозлаев** лупас:

— Югра арсыр мүвәт пила түтәт ләп хәрәтты вәрн 2005-мит ол вүш эвәлт рәпитл. Щи одәттә вүш эвәлт мүн хәрн десты ар түт нух вүлтүсүв. Щиты 2017-мит олн 95,51 процента арат газ мосты вәрәт мәннәттә питас. Мүв мухәл вән мирхоти Лондон воши Югра мүв тәм вәр эхтийн тәса рәпиттал пәта мойлупсыйн катлуптасы. Ин Ёмвоши округтән ләп хәртум түтәт эвәлт газ 96,4 процента

арат сыр-сыр мосты вәрәтә дәштә.

Тәм мирхоти елды путәртсәт щи одәнән, муй вүрн тапәр па нампәр Югра мүвн тәса шавиты мосл. Ёмвоши округ губернатор ләнкәр ими **Галина Максимова** ястас:

— Тапәр елды мосты пурмәсәта вәрты кеша тәта вет тәхи омәслүв. Щи тумпи арсыр нампәр атэлтә ѣкәтлүв. Шәлтә, вантә, шүш хирәт, кеванайт па нәспекәттә рәхл сыр-сыр пурмәсәта вәрты. Итәх хәлән нампәр мосл нәмасия нух вүшитты.

Ульяна
ДАНИЛО

Вәнтәт давалман тайты!

Муй щирн хурамаңа рәт вәнт одәнән Мосум мүв поэт хә Владимир Волдин шәңтәт хәншәс. Ма луваттәм хүяттәт худна яма нәмләл, муйсәр хурамаң вәнтәт сырлы вәсәт. Мүн нявләмдүв, хидылдүв ин муй вантләт, тәп нартамлы сәврүм юхәт.

Вәләүв, мүв илди питы вуй кәншты па вүты мосл, тәп щиты хән. Ин питы вуй кәншты ёх вәнтәтн юхәт нартамлы сәвәрләт. Хулъева сәврүм юхәт, арсыр нампәрт. Воншатын ям — щата юхәт омәслыйт. Мүн, шуши ёх, вүт кәртәтн вәлтү ёх, ищи сыстам вәнтәтн вәлтү па вүлди таш давалты ләнхалүв.

Алда, тәм пурайн ийлуп щирн, мүв-ийңк давалман мүв илди питы вуй кәншты рәхл.

Антонина НИКОНОВА

**Хәнты ясәң
тулмащас**

Людмила СПИРЯКОВА



А. Никонов жигитум журналист



РЕДАКЦИЯ ЭВАЛТ

Мүнчева Антонина Николаевна лупас, хуты щимәш шәк вәр лүв вүткәртәл, пүнәлди вәл. Щирн лүв мүв-ийңк давалты вәр вантман тайты департамента яңхәс. Кәщайт лупсәт, хуты щив яңхләт па вантләт, муйсәр питы вуй кәншты тәхет ёх щата рәпитләт. Шәлтә вухн пундыйт муй па иира вошилдыйт.

Антонина НИКОНОВА

**Хәнты ясәң
тулмащас**

Людмила СПИРЯКОВА



Шуши мир вэлупсы олаңан уша паватсат



Эвиет яклайт



М.К. Волдина путартайл

Лыпяттылдай 4-9-мит хялдайтн Ёмвошн «Спаси и сохранить» нэмпи кина верты ёх фестиваль вэс. Щи вэн мирхот округов правительства па всероссийской государственной телевизионной па радиовещательной компании ёх дэштэцэт.

«Спаси и сохранить» төслийн 22 ол юхлы олаңан пүш вэрсы. Щи арат ол мэр касупсыя ванан па хүвн вэлты 53 мүвэн мир кинайт китайдэц. Тохтайн — щит «Спаси и сохранить» мирхот вудац тухдэн воя вэл. Вухаль юис путарн щимац ясанд вэс, тохтайн вэн юорас патыя хэлум пүш мэртэц па щи эвэлт мүв пүлье тэс. Щи пүлье эвэлт мүвев тывас. Тохтайн тухдэнвой олаңан ар юис путар вэл. Щи вэн мирхот хэнттийн вэрантсы, дэлн мүвэйт-автэйт давалты.

Тэм пүш вет хатл мэр Ёмвошн мүвэйт-автэйт давалты вэрт олаңан

кинайт ванлтасыйт. Мойн ёх паты арсыр мирхотац па ванлтупсэт дэштэц.

Щиты лыпяттылдай 5-митн лыв «Торум Маа» шуши мир пурмасыт шавиман тайты тайхийн мойна тайдайт. Щи мирхот Ханты-Мансийской район кэща **Кирилл Равильевич Минулин** дэштэц. Дүв мойн хялдайтн лупас: «Эмаш уша паватты, кашанд од пила аршак хяннечэ «Спаси и сохранить» касупсыя юхтыйл. Щит вэн емэнхатл иса Россия мүвев паты. Майн одн 47 мүв эвэлт кинайт китсийт, тэм

одн па — 53 мүв эвэлт. Ма тэта вэн вүща ясанд луплум Россия па па хон пелэк мүвэйт эвэлт юхтум хялдайт, щит Португалия, Румыния, Филиппины, Уругвай, Швеция, Чехия».

Мосл лупты, Ханты-Мансийской район щимац мүвэйт давалман тайлдайт — Елизаровский республиканский заказник, Васпухольский заказник, Шапшинский кедровник нэмпийн тайхайт.

Ханты мир поэтесса, шуши мир юис вэрт, юис вэлупсы тэса вэтыими **Мария Кузьминична Волдина** иши ар ям па хошум ясанд мойн хялдайтн лупас: «Эмаш уша паватты, кашанд од пила аршак хяннечэ «Спаси и сохранить» касупсыя юхтыйл. Щит вэн емэнхатл иса Россия мүвев паты. Майн одн 47 мүв эвэлт кинайт китсийт, тэм

якайт яксайт па нараасыт. Щи юпийн лыв юрн хота лунсайт, шуши мир юнтуутын юнты па күтэлн касты, эхэл шэпи навартты, нёл ёсэлты вэритсайт. Мойн ёх шуши мир дэтуун дапацайт.

Белоруссия мүв Минск вош эвэлт юхтум хэ, режиссёр, сценарист **Сергей Галиевич Катыр** щи касупсыя жюри хүщи рэпитац. Дүв лупас: «Мүн Белоруссия мүвевн нэмэлт экологической фестиваль ѿн тайлуй. Ар мир мүвевн вэл, щи эвэлт мүвев кашанд од хэлсэндэй ийлд. Ма щирэмн, Ёмвош округ па щи мирхот кэшайт вудац па мосты вэр вэртэйт, хэнттийн нумасын юхатсайт щимац вэн мирхот дэштэц».

Юхтум ёх паты айлат эзвет-пухайт шуши мир

Надежда РАГИМОВА

Ханты ясанг
(Хантыское слово)
№12 (3504), 21.06.2018

Соучредители
Дума, Правительство
Ханты-Мансийского
автономного округа – Югры
Издатель
Департамент общественных
и внешних связей Ханты-
Мансийского автономного
округа – Югры

Редакция

Главный редактор –
Решетникова Р.Г.
Телефон (3467) 33-36-82

Заместитель главного
редактора – **Вах Н.И.**
Телефон (3467) 33-24-02

Ответственный секретарь –
Рагимова Н.В.
Телефон (3467) 33-24-02

Адрес редакции и издателя:

628011, г.Ханты-Мансийск,
ул.Комсомольская, 31
тел./факс (3467) 33-17-52

E-mail: gazeta@khanty-yasang.ru
Газета размещена на сайте
www.khanty-yasang.ru

Отпечатано:

ООО «Новости Югры-
Производство» г. Сургут,
ул.Маяковского, 14.

Индексы 04393, 54393

Тираж 2166 экз.
Заказ 2537
Цена свободная

Газета
зарегистрирована
Управлением Федеральной
службы по надзору в сфере
связи, информационных
технологий и массовых
коммуникаций по

Тюменской области,
ХМАО-Югре и ЯНАО.

Свидетельство о регистрации
ПИ №ТУ 72-00796
от 23 января 2013 г.

Мнение авторов
публикаций не
обязательно отражает
точку зрения
редакции.